

# 卷四

書名 周禮註疏四十二卷  
 撰者 漢 鄭玄 注, 唐 陸德明 音義, 唐 賈公彥 疏  
 卷 卷四  
 內容分類 經-禮-周禮-唐  
 索書號 經部-彙刻-1  
 編號 A189400

[彩色首頁1](#)

[東洋文化研究所漢籍目錄 編號: A189400](#)

[東洋文化研究所漢籍目錄所藏漢籍善本文影像資料庫 索書號: 經部-彙刻-1](#)

[漢籍善本文影像資料庫文本 周禮註疏四十二卷](#)

版權所有: [東京大學 東洋文化研究所](#)

[使用上的注意事項](#)

## 周禮註疏卷第一

漢鄭氏註

唐賈公彥疏

### 天官冢宰第一

○陸德明音義曰本或作冢宰上非餘卷放此  
 鄭目録云

象天所立之官冢宰大也宰者官也天者統理萬物天子立冢宰使掌邦治亦所以總御衆官使不失職不言司者大宰總御衆官不主一官之事也○釋曰鄭云象天者周天有三百六十餘度天官亦總攝三百六十官故云象天也云官者亦是管攝爲號故題曰大官也鄭又云冢大宰官也者下註對大宰則云冢大之上此不對大宰故云冢大也宰者調和膳羞之名此冢宰亦能調和衆官故號大宰之官鄭又云不言司者大宰總御衆官不主一官之事者此官不言司對司徒司馬司寇司空皆云司以其各主一官

所究研京東院學化文方東

2390

No.





周禮註疏卷第四

漢鄭氏註

唐賈公彥疏

膳夫掌王之食飲膳羞以養王及后世子 **釋** 食飯也飲

酒漿也膳牲肉也羞有滋味者凡養之具大略有四

○食音嗣註及下食用公膳夫至世子○釋曰云

食同飯扶萬反依字作飴膳夫掌王之食飲者此

一經以其職首故略舉其目下別敘之云以養王及

后世子者舉尊者而言其實羣臣及三夫人已下亦

養之○**釋**食飯至有四○釋曰云食飯也者即下文  
云食用六穀是也云飲酒漿也者即下文飲用六清  
是也下文不言酒文略也云膳牲肉也者即下文云  
膳用六牲是也云羞有滋味者即下文云羞用百有

二十品是也下文仍有珍用八物醬用百有二十饗  
不言之者此舉大者珍醬是饋之小者略而不言故  
鄭云凡養之具大略  
有四足舉以為目也  
凡王之饋食用六穀膳用六牲

飲用六清羞用百有二十品珍用八物醬用百有二

十饗註進物於尊者曰饋此饋之盛者王舉之饌也

六牲馬牛羊豕犬雞也羞出於性及禽獸以備滋味

謂之庶羞公食大夫禮內則下大夫十六上大夫二

十其物數備焉天子諸侯有其數而物未得盡聞珍

謂淳熬淳母炮豚炮牂擣珍漬熬肝骨也醬謂醢醢

也王舉則醢人共醢六十饗以五齏七醢七菹三醯



實之醢人共齏菹醢物六十饗鄭司農云羞進也六

穀稌黍稷梁麥苽苽彫胡也六清水漿醴醪醫醢

徐劉音瓮屋貢反饌仕眷反盡津忍反淳之純反下

同熬五刃反毋莫胡反一音武由反炮步交反擣作

郎反擣丁老反骨力彫反齏作西反齏劉双兮反徐

耳齊反稌音杜徐他古反苽古吳反醢本又作涼力

羊反徐力放反醫於美反徐註進物至醫醢○釋

於計反醢以支反劉書支反註曰鄭云進物於尊者

曰饋者據此文云王之饋及少牢特牲皆云饋食是

進物於尊者曰饋鄭註玉府云通行曰饋者彼對獻

是進物於尊者曰饋是通行也云此饋之盛者王舉之

饌者下文云王日一舉鼎十有二是王舉之饌也云

六牲馬牛羊豕犬雞者此依爾雅釋畜亦是將用之

曰牲也云羞出於性及禽獸者釋經羞用百有二十

品此羞庶羞皆出於牲及禽獸案公食大夫下大夫

十六豆中從腳臚臠已下皆出於牲不見有出禽獸

者上大夫加以雉兔鶉鴛此則出禽獸也以其有牲  
 及禽獸故云備滋味謂之庶羞也引公食大夫禮及  
 內則二文俱言十六豆是下大夫禮內則云雉兔鶉  
 鴛四豆添前十六則二十是上大夫禮云其物備數  
 焉者此上下大夫禮其物備有焉云天子諸侯有其  
 數者此經云百有二十者是天子有其數掌客云上  
 公食四十侯伯三十二子男二十四是諸侯有其數  
 也又云而物未得盡聞者言未盡聞則少有聞所聞  
 者謂天子諸侯之數皆從上大夫二十豆上加之則  
 二十豆聞之矣內則云牛脩及爵鷄蚶范芝栴已下  
 三十一物鄭註云皆人君燕食所加庶羞也周禮天  
 子羞用百有二十品記者不能次錄亦是有其物未  
 盡聞也云珍謂淳熬已下皆內則文案內則淳熬煎  
 醢加于陸稻上沃之以膏曰淳熬淳毋煎醢加于黍  
 食上沃之以膏曰淳毋毋模也炮取豚若牂割之剝  
 之實棗於其腹中編萑以苴之塗之以擗塗炮之塗  
 皆乾擘之濯手以摩之去其皽為稻粉糝溲之以為  
 醢以付豚煎諸膏膏必滅之鉅鑊湯以小鼎薶脯於



其中使其湯毋滅鼎三日三夜毋絕火而後調之以  
 醢醢擣珍取牛羊麋鹿麇之肉必胾每物與牛若一  
 捶反側之去其餌熟出之去其皽柔其肉漬取牛羊  
 肉必新殺者薄切之必絕其理湛諸美酒期朝而食  
 之以醢若醢醢為熬捶之去其皽編萑布牛肉焉屑  
 桂與薑以灑諸上而鹽之乾而食之施羊亦如之肝  
 骨取狗肝一幪之以其骨濡炙之舉樵其骨不蓼也  
 是為人珍彼有糝與餈彼是羞豆之實非珍故不取  
 云醬謂醢醢也者醬是總名知醬中兼有醢醢者經  
 云百有二十糝醢人共醢六十糝醢人共醢物六十  
 糝故鄭註醢人兼引之其五糝七醢等就醢人具釋  
 鄭司農云六穀知有稌黍稷梁麥苽者據食醫而知  
 云苽彫胡也者南方見有苽米一名彫胡異  
 方語云六清水漿醴醢醬醢者漿人文也

**舉鼎十有二物皆有俎**  
 殺牲盛饌曰舉王日一舉  
 以朝食也后與王同庖鼎十有二牢鼎九陪鼎三物

謂牢鼎之實亦九俎

○朝如字下奉朝同陪徐蒲來反

**疏**

王日至有俎○釋曰

言王日一舉者謂一日一大牢云鼎十有二者案禮記郊特牲鼎俎奇而籩豆偶者謂正鼎九陪鼎三即

是奇數總而言之即十二云物皆有俎者俎據正鼎而鼎各一俎○**釋**殺牲至九俎○釋曰殺牲盛饌曰

舉知非舉樂者以其言鼎十有二膳夫主飯食故知舉是殺牲盛饌云王日一舉以朝食也者一日食有三時同食一舉案玉藻云皮弁以日視朝遂以食日

中而餽餽者餽朝之餘則遂以食之謂朝之食明知先朝食次乃日中而餽云后與王同庖案玉藻云夫

人與君同庖鄭註云不特殺明后亦與王同庖可知云鼎十有二牢鼎九陪鼎三者案聘禮致饗餼註云

飪一牢鼎十有二是也牢鼎九在西階前云牛羊豕魚腊腸胃同鼎膚鮮魚鮮腊云陪鼎三者當內兼腳

臠臠竝陪牛羊豕鼎後是也云物謂牢鼎之實者言實即牛羊豕之類也云亦九俎者陪鼎三臠臠者

謂庶羞在於豆唯牢鼎之物各在俎故云亦九俎案趙商問王日一舉鼎十有二是為三牲備焉商案玉

藻天子日食少牢朔月大牢禮數不同請聞其說鄭答云禮記後人所集據時而言或以諸侯同天子或

以天子與諸侯等禮數不同難以據也王制之法與禮違者多當以經為正若然此周禮周公太

平法玉藻據衰世或是異代故與此不同 **以樂侑**

### 食膳夫授祭品嘗食王乃食

**疏** 侑猶勸也祭謂刊肺

脊也禮飲食必祭示有所先品者每物皆嘗之道尊

者也 ○授祭品于云祭五行六陰之神與民起

居刊寸本反劉音村沈寸沒反徐舍典反 **疏**以

至乃食○釋曰上言王日一舉此云以樂侑食即是

王制云天子食日舉以樂案論語微子云亞飯三飯

四飯鄭云皆舉食之樂彼諸侯禮尚有舉食之樂明

天子日食有舉食之樂可知案大司樂云王大食皆



授祭者謂王將食必祭先膳夫授之云品嘗食者玉藻云火孰者先君子鄭註云備火齊不得也故膳夫品物皆嘗之王乃食也。○**禮** 侑猶至者也。○釋曰殷祭肝周祭肺但祭肺有二種一者名爲舉肺亦名離肺此爲食而有也二者名爲祭肺亦名判肺此爲祭而有也但舉肺離而不絕祭肺則絕之今此膳夫授祭爲食而授即舉肺也鄭云祭謂判肺脊也者以經直云祭不言舉又不言離直云祭故鄭云祭謂判肺也以優至尊故與祭祀同判肺也若然鄉飲酒鄉射無連言脊今兼言脊者依士虞特牲皆言授肺脊故鄭依之而言云禮飲食必祭示有所先者凡祭皆祭先造食者曲禮云殺之序徧祭之今徒言祭肺者略舉其首

**卒食以樂徹于造** **禮** 造作也鄭司農云造謂

食之故所居處也已食徹置故處 **禮** 卒食至于造。○**禮** 天子祭祀歌雍以徹徹食器之時樂章未聞也。○**禮** 造作也至故處。○



釋曰後鄭云造作也先鄭云徹置故處二鄭義同皆謂造食處即厨是也案內則云天子之閣左達五右達五彼亦是置食處今此不徹於閣者但閣內則置新饌案文王世子未有原即此亦不重進故徹于造

**王齊日三舉** **禮** 鄭司農云齊必變食 **禮** 王齊日三舉 **禮** 釋曰齊謂

散齊致齊齊必變食故加牲體至三大牢案玉藻云朔食加日食一等則於此朔食當兩大牢不言之者文不具齊時不樂故不言以 **大喪則不舉大荒則不樂脩食也齊必變食論語文**

**舉大札則不舉天地有裁則不舉邦有大故則不舉**

**禮** 大荒凶年大札疫癘也天裁日月晦食地裁崩動

也大故寇戎之事鄭司農云大故刑殺也春秋傳曰

司寇行戮君爲之不舉 **禮** 札側入反徐音截杜註左傳大死曰札裁音災疫音役

癘音厲為 **疏** 大喪至不舉。釋曰：臣子一皆為王喪，干僞反。 **疏** 啜粥故大喪不舉也。大荒則不舉，已下皆為自貶損。 **疏** 大荒至不舉。釋曰：言大荒凶年者，則曲禮云：歲凶年穀不登，君膳不祭肺，是也。云大札疫癘也者，即春秋：天昏札瘥，民有疫癘，為之不舉。自貶也。云天裁日月晦食者，月食在望，日食在晦朔。今總云日月晦食者，案春秋：唯書日食，故以是不言。月之望食，日食由月故連言月也。云地裁崩動也者，左氏書：地震及梁山崩是也。云大故寇戎之事者，據此經：唯言大喪、大荒、大札。天地有災，故知大故是寇戎。先鄭云：大故，刑殺引之在下者，欲見大故中含刑殺之事。春秋傳曰：司寇行刑者，案莊公二十年：王子頽享，五大夫樂及徧舞。又云：王子頽歌舞不倦，是樂禍也。大司寇行戮，君為之不舉，不舉者，謂不舉樂。此經數事不舉，司農意亦謂不舉樂，故引以為證。但此膳夫云：不舉在食科之中，不舉即是不殺牲引司農義在下者，不舉樂。 **王燕食則奉膳贊祭** **疏** 燕食謂日之中，含有不舉樂。



中與夕食奉膳奉朝之餘膳所祭者牢肉

**疏** 王燕至贊祭。

釋曰：案上王日一舉，鄭云：謂朝食則此云燕食者，謂日中與夕相接為三時。云奉膳者，奉朝之餘膳云贊祭者，助王祭牢肉。 **疏** 燕食至牢肉。釋曰：案玉藻：天子與諸侯相互為三時食，故燕食以為日中與夕。云奉膳奉朝之餘膳者，則一牢分為三時，故奉朝之餘餽也。云所祭者牢肉者，案玉藻：諸侯云夕深衣祭牢肉，鄭註云：天子言日中，諸侯言夕，天子言餽，諸侯言祭牢肉，互相挾則天子諸侯朝皆祭肺，日中與夕皆祭牢肉，故言。 **凡王祭祀賓客食則徹王之胾俎** **疏** 所祭者牢肉也。

膳夫親徹胾俎，胾俎最尊也。其餘則其屬徹之賓客食，而王有胾俎。王與賓客禮食，主人飲食之俎皆為。

胾俎見於此矣。 **疏** 見賢遍反。 **疏** 凡王至胾俎。釋曰：下文及註同。 **疏** 云：凡王祭祀謂祭宗。



廟有胙俎者謂若特牲少牢主人受尸酢尸東西面  
 設主人俎於席前王受尸酢禮亦當然賓客食謂王  
 與賓客禮食於廟賓在戶牖之間王在阼階上各有  
 饌皆設俎故亦有胙俎此二者皆各胙俎膳夫徹之  
 故云則徹王胙俎也。○膳夫至此矣。○釋曰云膳  
 夫親徹胙俎胙俎最尊也者以其胙者酢也王與尸  
 賓相答酢故遣膳夫親徹云其餘則其屬徹之者以  
 其經膳夫徹王之胙俎明非王胙俎則其屬徹之可  
 知膳夫是上士則其屬中士已下是也云賓客食而  
 王有胙俎王與賓客禮食者以其賓客與祭祀同科  
 故知是禮食非是凡平燕食案公食大夫主君與聘  
 大夫禮食賓前有食君前無食退俟於廟今此天子  
 與諸侯禮食王前有食俎者天子於諸侯其禮異於  
 諸侯與聘大夫故王前有俎云主人飲食之俎皆為  
 胙俎見於此矣者案特牲少牢主人之俎雖為胙俎  
 直是祭祀不兼賓客此則祭祀賓客俱有故云主人  
 飲食之俎皆為胙俎見於此飲  
**凡王之稍事設薦脯**  
 據祭祀食據賓客故雙言之也



**醢**

鄭司農云稍事為非日中大舉時而間食謂之

稍事膳夫主設薦脯醢玄謂稍事有小事而飲酒

劉古莧反凡王至脯醢。釋曰案下經燕飲酒謂

戚如字大事與臣飲酒則此云王之稍事是王

小事而飲酒故空設薦脯醢若大飲與食則有牲體

○鄭司農至飲酒。釋曰先鄭云稍事謂非日中

大舉時而間食謂之稍事膳夫主設薦脯醢者先鄭

意旦起日中食牲牢日中後空食脯醢後鄭不從者

王藻諸侯猶云夕深衣祭牢肉則天子夕食牢肉可  
 知又脯醢者是飲酒肴羞非是食饌若大夫以下燕  
 食有脯無會設脯無嫌若王之日食  
**王燕飲酒則為**  
**獻主**  
 鄭司農云主人當獻賓則膳夫代王為主君  
 不敵臣也燕義曰使宰夫為獻主臣莫敢與君亢禮

**疏** 王燕至獻主。釋曰：謂王與臣以禮燕飲，則膳夫為獻主。案儀禮使宰夫為主人，此天子使膳夫為獻主，皆是飲食之官代君酌臣。鄭司至亢禮。釋曰：言當獻賓，則膳夫代王為主。此約燕禮而知。案燕禮主人酌酒獻賓，賓酢主人，主人酌酒獻君，君酢主人，主人酬賓，以後為賓舉旅，又引燕義：臣莫敢與君亢禮者，飲酒之禮使大夫為賓，遣宰夫為主人，獻酢相亢，答若君為主人，則是臣與君相亢，故云臣莫敢亢。


**掌后及世子之膳羞**

亦主其饌之數，不饋之。

耳。掌后至膳羞。釋曰：上云王日一舉，注后與王同庖，不言世子，則世子與王別牲，亦膳夫所掌。故云掌后及世子之膳羞。亦主至之耳。釋曰：案上文凡王之饋，食用六穀，已下言饋，則膳夫親饋之。故云品嘗食，按內饗共后及世子之膳羞，則是后世子內饗饋之。故鄭云亦主其饌之數，不饋之耳。

**凡肉脩之頒賜皆掌之**

鄭司農云：脩，脯也。凡肉至掌。



之。釋曰：謂王以肉及脩脯頒賜羣臣，則膳夫皆掌之。鄭司至脯也。釋曰：言脩脯也者，謂加薑桂鍛治者，謂之脩，不加薑桂以鹽乾之者，謂之脯，則脩脯異矣。先鄭云：脩脯者，散文言之脩脯通也。凡

**祭祀之致福者受而膳之**

致福謂諸臣祭祀進其

餘肉歸胙于王。鄭司農云：膳夫受之，以給王膳。

至膳之。釋曰：云凡祭祀者言凡，則諸臣自祭家廟祭訖，致胙肉於王，謂之致福。膳夫受之，以為王膳。故云受而膳之。致福至王膳。釋曰：云致福者謂諸臣祭祀進其餘肉歸胙于王者，案禮記少儀云：膳于君子曰膳，案玉藻膳於君，葷桃菊彼謂諸侯之臣禮此王之臣亦應云致膳而云致福者，凡祭祀主人受福若與王受福，然故云致福。知諸臣有致胙法者，案春秋左氏昭十六年子產云：祭有受脰歸脰，彼註云：受脰謂君祭以肉賜大夫歸脰，謂大夫祭歸肉於公也。今彼雖據諸侯禮王之臣致胙亦然，故云歸胙。

也於王以犖見者亦如之鄭司農云以羔鴈雉為犖

見者亦受以給王膳以犖至如之。釋曰謂卿大夫以下新任為臣者卿執羔

大夫執鴈士執雉來見王故云以犖見者言亦如之者先鄭云亦受以給王膳也歲終則會

唯王及后世子之膳不會不會計多少優尊者其

頒賜諸臣則計之歲終至不會。釋曰此膳夫所掌膳羞是其正故世子亦不會

至下庖人王及后不會則世子會之彼禽獻是其加故會之。不會至計之。釋曰依宰夫職會是歲

計故云不會計多少云優尊者謂若計則似限尊者有多少若不計則任所用故云不會是優尊者也云

其頒賜諸臣則計之者經云王及后世子不會則上經肉脩之頒賜諸臣則計之可知

庖人掌其六畜六獸六禽辨其各物六畜六牲也始



養之曰畜將用之曰牲春秋傳曰卜曰牲鄭司農

云六獸麋鹿熊麇野豕兔六禽鴈鶉鷄雉鳩玄謂

獸人冬獻狼夏獻麋又內則無熊則六獸當有狼而

熊不屬六禽於禽獻及六犖宜為羔豚犢麇雉鴈凡

鳥獸未孕曰禽司馬職曰大獸公之小禽私之許又畜

反註同六獸司農云麋鹿熊麇野豕兔鄭云有狼無熊于註麇作麇熊作狙六禽鄭云羔豚犢麇雉鴈也

司農及于鴈鶉雉鳩鷄麇本又作麋亦作麇居倫反麇也鶉音純鷄於諫反鷄古合反麇音迷鹿子孕

以證反庖人至各物。釋曰云掌其六畜者馬牛

一作乘羊豕犬雞謂夏官校人地官牛人春官雞

人秋官犬人冬官豕人總送六畜與此庖人六獸六禽即下獸人送之此庖人得此六畜六獸六禽共與

膳夫內外饗故云掌共六畜六獸六禽此禽獸等皆  
 有名號物色故云辨其名物。六畜至私之。釋  
 曰云六畜六牲也者謂雖此云六畜即是膳夫六牲  
 一也所以彼言牲此言畜者鄭即解其不同之意始  
 養之曰畜將用之曰牲膳夫共王之膳羞即是將用  
 之故言牲云春秋傳曰者此是左氏僖公三十一年  
 傳辭彼經云四卜郊不從乃免牲未卜日曰牛卜得  
 吉日乃號為牲僖公既卜得吉日各牛作牲乃更卜  
 可郊以否不從乃免牲是其怠慢引之者證將用曰  
 牲鄭司農云六獸麋鹿熊麇野豕兔六禽鴈鶉鷄雉  
 鳩鴿者此先鄭意取爾雅文四足而毛謂之獸兩足  
 而羽謂之禽故為此解玄謂獸人冬獻狼又內則為  
 斷食有狼膾膏故云當有狼而熊不屬此破司農有  
 熊無狼云六禽於禽獻及六犖宜為羔豚犢麇雉鴈  
 者下文禽獸之內取羔豚犢麇大宗伯六犖之內亦  
 取羔及雉鴈破司農六畜之內有鶉鷄鳩鴿四者於  
 經無所據司農雉鴈即六犖雉鴈同故從之不破云  
 凡鳥獸未孕曰禽鄭言此者見爾雅四足而毛曰獸



兩足而羽曰禽是對文例若散文則通其獸未孕時  
 雖曰四足亦曰禽是以名為禽獻其中亦有羔豚犢  
 麇又云以禽作六犖禽中亦有羔是其未孕者也謂  
 若爾雅飛曰雄雌走曰牝牡亦是對文案詩云雄狐  
 綏綏走亦曰雄尚書云牝雞無晨飛亦曰牝竝是散  
 文通義云司馬職曰大獸公之小禽私之者欲見雖  
 曰四足而毛未孕亦曰禽此竝  
 破司農禽中不得有四足之義 **凡其死生蠹薨之物**  
**以共王之膳與其薦羞之物及后世子之膳羞** 凡

計數之薦亦進也備品物曰薦致滋味乃為羞王言  
 薦者味以不褻為尊鄭司農云鮮謂生肉薨謂乾肉  
 ○蠹悉然反薨古老反數色 凡其至膳羞。釋曰  
 杜反下校數同褻息列反 云凡其死生蠹薨之  
 物者此四者或死或生新殺為蠹乾者為薨竝獸人  
 以與膳夫內外饗以共王之膳云與其薦羞之物者

薦進也謂羞之所進即備品物曰薦亦進于王耳及后世子之膳羞者此共后世子之羞故不言薦而言膳是致滋味者也。凡計至乾肉。釋曰云凡計數之者上經云治要治凡竝是計筭之稱此凡亦是計數之名死生蠱薨須知其數故言凡總計之云備品物曰薦者以經羞言薦對后世子羞言膳故云備品物曰薦致滋味乃為羞以其不言薦即是致滋味之羞若然備品物者謂王舉則共醢六十饗以五醢七醢七菹三醢實之醢人共醢菹醢六十饗是其備品物及三牲之俎皆是也致滋味乃為羞百有二十品者故鄭云羞出於牲及禽獸以備滋味謂之庶羞故公食云宰夫自東房薦豆六又云士羞庶羞云王言薦者味以不褻為尊者對后

**共祭祀之好羞** 謂四時所為膳食若荆州之鯪魚青州之蟹胥雖非常物進之孝也。好呼報反鯪側雅反蟹戶買反胥息徐反劉音泰字林先於反蟹醬也。



共祭祀之好羞。釋曰尋常所共者竝在內外饗今言好羞則是非常之物謂美魚之屬也。謂四時至孝也。釋曰云四時所為膳食者謂四時之間非常美食云若荆州之鯪魚青州之蟹胥者鄭見當時有之又見禮記禮器云大饗其王事與三牲魚腊四海九州之美味苟可薦者莫不成在且禹貢徐州貢蠙珠暨魚荆州無魚文是文

**共喪紀之庶羞賓客之禽獻** 喪紀喪事之祭謂虞祔也禽獻獻禽於賓客

獻古文為獸杜子春云當為獻。共喪至禽獻。釋曰凡喪未葬已前無問朝夕奠及大奠皆為薦羞之法今言共喪紀庶羞者謂虞祔之祭乃有之云賓客之禽獸者謂若掌客上之乘禽日九十雙侯伯七十雙子男五十雙之類是也。喪紀至為獻。釋曰云喪紀喪事之祭謂虞祔也者天子九虞後作卒哭祭虞卒哭在寢明日祔於祖廟今直云虞祔不言卒哭祭者舉前後虞祔

則卒哭在其中共庶羞可知云獻古文為獸杜子春云當為獻者但賓客之禽由主人獻之若直言賓客禽獸於義無取也

**凡令禽獻以瀆授之其出入亦如之**

**凡令**

令獸人也禽獸不可久處賓客至將獻之庖人乃令獸人取之必書所當獻之數與之及其來致禽亦以此書校數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗餼之數士中日則二雙○令力呈反使所同凡令至如之○釋曰凡朝聘賓客至竝致館與於獸人以數授之故云凡令禽獻以法授之也云其出人亦如之者既以數授獸人依數以禽入庖人是



入也庖人得此禽還依數付使者送向館是出也亦如之者亦依法授之故云其出入亦如之若然入先出後不言入出而言出入者便文也○釋曰令至二雙○釋曰知令獸人者案獸人云凡祭祀喪紀賓客共其死獸生獸故知令獸人云禽獸不可久處以下至與之以上解經令禽以法授之云及其來致禽亦以此書校數之解經入亦如之云至于獻賓客又以此付使者展而行之解經出亦如之言展而行之者展猶省視也行去也謂將向客館之時省視禽牲然後去云掌客乘禽於諸侯各如其命之數者謂上公九命日九十雙之等又引聘禮乘禽於客日如其饗餼之數者言此臣禮不依命數公侯伯之卿三命子男之卿再命皆以爵卿也饗餼五牢日五雙故言日如其饗餼之數云士中日則二雙者謂作介時士爵一日則一雙禽獻不以命數中間也故言間日則二雙言此者釋經以法授之法則數也

**獻春行羔豚膳膏香夏行膳鱠膳膏臊秋行犢麋膳**

膏腥冬行蠶羽膳膏羶

**羶**

用禽獻謂煎和之以獻王

鄭司農云膏香牛脂也以牛脂和之脂乾雉鱠乾魚

膏臊豕膏也以豕膏和之杜子春云膏臊犬膏膏腥

豕膏也鮮魚也羽鴈也膏羶羊脂也玄謂膏腥雞膏

也羔豚物生而肥犢與麋物成而充脂鱠曠熟而乾

魚鴈水涸而性定此八物者得四時之氣尤盛為人

食之弗勝是以用休廢之脂膏煎和膳之牛屬司徒

土也雞屬宗伯木也犬屬司寇金也羊屬司馬火也

○膏香禮記作薌音同脂其居反鱠所留反臊素刀反杜云犬膏也司農及于云豕膏也腥音星杜云豕



膏鄭于云雞膏也或作雉膏蠶羽鄭云鮮魚也羽鴈也杜云鮮羽鴈也羶書然反羊脂也和胡臥反下文同曠呼旱反劉呼旦反涸胡

洛反徐戶格反為干偽反 **疏** 凡用至膏羶○釋曰

不同故言凡也煎和謂之用故言凡川禽獻也云春

行羔豚膳膏香者言行者義與用同春用羔豚者草

物始生羔豚食而肥膳膏香者謂牛膏春木王火相

土死羔豚為其太盛牛屬中央土故以死之脂膏殺

其氣夏行脂鱠膳膏臊者脂謂乾雉鱠謂乾魚膏臊

犬膏脂鱠夏之曠熟而乾故食之為其太盛夏時金

死犬屬西方金故用死之脂膏煎和之云秋行犢麋

膳膏腥者秋時草物有實犢麋食之而肥故秋用犢

麋膏腥謂雞膏雞屬東方木時木死故用死之脂膏

煎和之云冬行蠶羽膳膏羶者鮮謂魚羽謂鴈冬魚

之性定鴈又新來故用食之膏羶謂羊膏羊屬南方

火冬時火死魚鴈食之太盛故用死之脂膏煎和之

五行不言北方豕之脂膏者以其中中央土王分於四

時土賊水但無中央食法故不言豕之脂膏也○ **疏**

用禽至火也。○釋曰云用禽獻謂煎之以獻王者殺牲謂之用煎和謂之膳用膳相將之言故以煎和解用上言賓客之禽獻此用禽以王為主故言獻王鄭司農云膏香牛脂也者案內則鄭註釋者曰膏凝者曰脂彼是相對之義通而言之脂膏一也故司農以脂解膏云膳乾雉者以士相見云冬用雉夏用膳故知膳乾雉也云鱸乾魚者籩人職云魚鱸此鱸膳同是夏用之膳既是乾雉明鱸是乾魚云膏豚豕膏也者經云夏行膳鱸膳膏豚此經四時所膳者皆取所賊死之脂膏火賊金即膏豚犬膏也不得云北方豕膏又杜子春云膏豚犬膏者於義是也云膏腥豕膏也者於義非也以其秋行饋饗秋時金王金尅木雞屬東方木則膏腥雞膏也不得為豕膏云鮮魚也羽鴈也者尚書益稷云與稷決川而鮮食鮮出於川故知鮮魚也又此鮮對羽故知鮮是魚知羽是鴈者以其禽擊中有羔雉鴈此禽獻中已有羔雉明亦有鴈故以羽為鴈也玄謂膏腥雞膏也者破子春豕膏云魚鴈水潤而性定者依周語云天根見而水潤鄭註



月令云天根見九月末是水潤在九月末十月初云是以用休廢之脂膏者五行王相相剋春木王火相土死金囚水為休廢夏火王土相金死水囚木為休廢以下推之可知王所勝者死相所勝者囚新謝者為休廢若然向來所膳膏者皆是死之脂膏鄭云休廢者相對死與休廢別散則死亦為休廢故鄭以休廢言之也云牛屬司徒土也者鄭於司徒註云牛能任載地之類故屬土云雞屬宗伯木也者雞為貌雞又知時象春故屬木云犬屬司寇金也者金為言犬亦言屬金云羊屬司馬火也者火為視羊亦視故屬火

**歲終則會唯王及后之膳禽不會** 膳禽四時所

膳禽獻加世子可以會之 **疏** 膳禽王會之○釋曰

正此禽獸者是其加世子可以會故歲終則唯王及后之膳不會世子則會之矣

**內饗掌王及后世子膳羞之割亨煎和之事辨體名肉**



物辨百品味之物 **註** 割肆解肉也亨煑也煎和齊以

五味體各脊脅肩臂臠之屬肉物哉燔之屬百品味

庶羞之屬言百舉成數 **釋** 亨普庚反註及下同肆託

音燔本 **註** 割肆至成數 **釋** 曰知割肆解肉者謂

亦作燔 **註** 士虞禮云四肆去蹄此明割是肆解肉云

煎和齊以五味者凡言和者皆用酸苦辛鹹甘云體

各脊脅肩臂臠之屬者案少牢解羊豕前體肩臂臠

後體膊胛又有正脊脰脊橫脊又有短脅正脅代脅

是其體十一體云肉物哉燔之屬者案公食大夫禮

十六豆有哉哉謂切肉又案少牢主婦獻尸以燔從

傳火曰燔云百品味庶羞之屬案膳夫職庶羞百有

二十品今言百 **王舉則陳其鼎俎以牲體實之** **註** 取

故鄭云舉成數 **王舉則陳其鼎俎以牲體實之** **註** 取

於鑊以實鼎取於鼎以實俎實鼎曰胥實俎曰載

胥 **釋** 曰言陳其鼎俎者陳鼎有

反 **疏** 王舉至實之 **釋** 曰言陳其鼎俎者陳鼎有

皆陳於鼎西南云以牲體實之者其牲體入鑊時已

解訖今言實者有兩處一者取於鑊實於鼎據在鑊

所二者取於鼎實於俎 **註** 取於至曰載 **釋** 曰實

鼎曰胥者胥升也案少牢司馬升羊實於一鼎是實

鼎曰胥案特牲云卒載加七於鼎是其實俎曰載案

少牢云升羊載右胛升豕其載如羊又有司徹亦云

乃升鄭云升牲體於俎若然實鼎唯 **選百羞醬物珍**

有升名無載稱若實俎升載兩有 **選百羞醬物珍**



物以俟饋 **註** 先進食之時恒選擇其中御者 **註** 選百

饋 **釋** 曰百羞者則庶羞百二十醬物者即醬用百

二十饗珍物者諸八珍之類俟待也內饗恒預選知

當王意所欲 **其及世子之膳羞** **註** 膳夫掌之是乃

者以得饋王 **其及世子之膳羞** **註** 膳夫掌之是乃

共之 **疏** 共后至膳羞 **釋** 曰后世子直言共不言饋

者膳夫饋王不饋后世子此內饗言共是親

饋故鄭云膳夫掌之是乃共之辨腥臊羶香之不可食者牛夜鳴則

廝羊冷毛而毳羶犬赤股而躁臊鳥曠色而沙鳴狸

豕盲眊而交睫腥馬黑脊而般臂螻腥臊羶香可

食者是別其不可食者則所謂者皆臭味也冷毛毛

長總結也曠失色不澤美也沙漸也交睫腥腥當為

星聲之誤也肉有如米者似星般臂臂毛有文鄭司

農云廝朽木臭也螻螻蛄臭也杜子春云盲眊當為

望視○廝音由徐餘柳反于云病也冷音零徐郎年

反躁早到反曠本又作糞芳表反又符表反又

芳老反徐又孚趙反沙如字一音所嫁反或蘇他反

狸音鬱徐於弗反盲亡亮反眊視二反又音視睫音



接一音將業反般音班臂如字徐本作辟音方紙反

螻音樓如螻蛄蟲臭也于音漏內病也此依禮記文

別彼列反漸辨腥至臂螻○釋曰言辨腥臊者依

音西蛄音姑廝人職註腥謂雞也曠謂犬也羶謂

羊也香謂牛也以腥臊羶香表見云牛羊犬雞也言

不可食者牛夜鳴則廝者其牛無事夜鳴其肉必廝

謂毛別聚結者此羊肉必羶也云犬赤股而躁臊者

言赤股者股裏無毛謂之赤股非謂肉赤謂若禮記

檀弓流矢在白肉非謂肉白而走又躁疾大有如此

者其肉必臊故云而躁臊云鳥曠色而沙鳴狸者曠

失色也沙漸也鳥毛失色而鳴又漸其肉氣必鬱鬱

謂腐臭云豕盲眊而交睫腥者豕乃聽物不合望眊

此豕眼睫毛交故云豕望眊而交睫豕有如此其肉

必如星腥當為星其肉如米然驗當時有如此者也

云馬黑脊而般臂螻者謂馬脊黑前脛般般然其馬

如此其肉螻蛄臭此一經皆是不利人故禁之也○

腥臊至望視○釋曰云腥臊羶香可食者即上庖

人職所云是也云是別不可食者即此是也則所謂者皆臭味也者言所謂者所謂論語鄉黨色惡不食臭惡不食云交睫腥腥當為星聲之誤也者此經腥有二字鄭不破腥腥之腥宜破交睫腥之腥故連取交睫以解云般臂臂毛有文者鄭答冷剛童牛之桔牛在手曰桔牛無手以前足當之此馬亦然故言般臂鄭司農云廬朽木臭也者驗今朽木其氣實臭故云朽木臭也案內則註引左氏春秋一薰一蕪此司農以其朽木臭即與一薰一蕪同故鄭不引之云螻蛄臭也者以內則螻蛄為漏脫字於義無所取故轉為螻蛄字螻蛄則有臭杜子春盲視當為望視者以其盲則無所覩見不得視內則為遙望之字故子春從內則為正也

**凡宗廟之祭祀掌割亨之事凡燕飲食亦如之凡掌其羞脩刑臠胖骨鱠以待其膳**

**掌共共當**

為具羞庶羞也脩銀脯也胖如脯而腥者鄭司農云



刑臠謂夾脊肉或曰膺肉也骨鱠謂骨有肉者玄謂

刑劓羹也臠腓肉大臠所以祭者骨牲體也鱠乾魚

○共羞共依註音具臠火吳反徐凶武反胖普半反

銀丁亂反腓直輒反又之涉反劓音刑鬻力轉反

**疏**凡宗至共膳○釋曰內饗不掌外神故云宗廟之

祭祀言凡者謂四時及祫禘并月祭等皆在其中

掌其割亨之事上王后言煎和此不言煎和者鬼神

尚質不貴饗味故不言煎和云燕飲食亦如之者謂

王及后世子自燕飲食皆須割亨故云亦如之○**禮**

掌共至乾魚○釋曰云掌共共當為具者據經共字

有二以待其膳不破掌共共字則破之矣故云掌共

共當為具言具者具羞脩刑臠已下云羞庶羞也者庶羞則百二十品是也云脩銀脯也者謂加薑桂鍛治之若不加薑桂不鍛治者直謂之脯云胖如脯而腥者乾則為脯不乾而腥則謂之胖鄭司農云刑臠謂夾脊肉者刑臠為二物有明文先鄭以為刑臠夾

脊肉故後鄭不從云或曰膾肉也者無所出後鄭亦不從云骨鱠謂骨有肉者骨自是牲體鱠自是乾魚先鄭合為一故後鄭亦不從玄謂刑餽羹也者案特牲有餽羹謂餽器盛豕臠設於薦南故名餽羹云臠臠肉大臠所以祭者臠魚肉總有也公食大夫禮云庶羞皆有大謂大臠據肉而言案有司徹云主人亦一魚加臠祭于其上此據魚而言也臠又詁為大故云臠臠肉大臠所以祭者也云骨牲體也者謂若體解二十一雖據骨而言皆擬所食故云骨有肉凡王云鱣乾魚者前云夏行脍鱣與彼同故為乾魚

**之好賜肉脩則饗人共之**  
好賜王所善而賜也  
好

呼報反  
凡王至共之  
釋曰言好賜者謂羣臣王所愛好則賜之肉脩饗人共之

**外饗掌外祭祀之割亨其其脯脩刑臠陳其鼎俎實之牲體魚腊凡賓客之殮饗饗食之事亦如之**  
殮客



始至之禮饗既將幣之禮致禮於客莫盛於饗  
音嗣

**疏**外饗至如之  
釋曰云掌外祭祀之割亨者謂天地四望山川社稷五祀外神皆掌其割亨云其

脯脩刑臠者如上釋云陳其鼎俎實之牲體魚腊者謂若鼎十月二者也云凡賓客之殮饗饗食之事亦如之者謂所陳之數如宰夫職所云者也皆以外饗共之故言亦如之

殮客至於饗  
釋曰言殮客始至之禮者宰夫職以釋訖云饗既將幣之禮者案聘禮記云聘日致饗鄭註云急歸大禮鄭云將幣者

即是聘亨也若諸侯來朝亦朝日致之也至致禮於賓客莫盛於饗者以其饗之中有飪有腥有牽又有

酒有米兼燕與食其中芻薪米禾又多故朝聘之日致之是以鄭云急歸大禮故云莫盛於饗也

**饗者老孤子則掌其割亨之事饗士庶子亦如之**  
邦

孤子者死王事者之子也士庶子衛王宮者若今時

之饗衛士矣王制曰周人養國老於東膠養庶老於  
 虞庠疏邦饗至如之○釋曰云邦饗者老者謂死事  
 事者之子云饗士庶子者謂若宮伯註云士謂王宮  
 中諸吏之適子也庶子其支庶也云饗者即鄭云士  
 庶子衛王宮者若今時之饗衛士矣是也○註孤子  
 至虞庠○釋曰死事者之子謂若左氏哀公二十三  
 年晉知伯親禽顏庚至二十七年齊師將與陳成子  
 屬孤子三朝設乘車兩馬繫五色焉召顏庚之子  
 而賜之是其禮孤子之法云王制曰周人養國老於  
 東膠養庶老於虞庠者周立太學王宮之東膠膠之  
 言糾也所以糾察王事周立小學於西郊為有虞氏  
 之庠制故曰虞庠國老謂卿大夫致仕者庶老謂士  
 之致仕者經直言耆老對孤子則耆老者死事者之  
 父祖可知但此不見饗國老庶老之文故鄭解耆老  
 謂國老  
 庶老  
 師役則掌其其獻賜脯肉之事註獻謂酌其



長帥類反帥色疏師役至之事○釋曰云師役者謂出  
 獻其將帥并賜酒肉之事茲掌之○註獻謂至長帥  
 ○釋曰以經獻謂獻酒非獻肉故鄭謂酌其長帥長  
 帥軍將已下至五  
 長有功者饗獻之  
 凡小喪紀陳其鼎俎而實之註謂  
 喪事之奠祭疏凡小喪至而實之○釋曰言小喪紀  
 者謂夫人已下之喪云陳其鼎俎者  
 謂其殷奠及虞祔之祭皆有  
 鼎俎故鄭云喪事之奠祭也

亨人掌其鼎鑊以給水火之齊註鑊所以煮肉及魚腊

之器既孰乃香于鼎齊多少之量疏齊才細註鑊

之量○釋曰云鑊所以煮肉及魚腊之器者案少牢  
 舉在廟門外之東大夫五鼎羊豕腸胃魚腊各異鑊  
 鑊別有一鼎鑊中肉孰各升一鼎故鄭云既孰乃香  
 于鼎云齊多少之量者此釋經給水火之齊謂實水  
 自豐流

於鑊及爨之以火 職外內饗之爨亨煮辨膳羞之物 皆有多少之齊

**職主也**爨今之竈主於其竈煮物 **爨** 爨七 **職外** 亂反 **至之**

物○釋曰亨人主外內饗爨竈亨煮之事云辨膳羞之物者膳羞則牛鼎之物是也○**職主至煮物**○

釋曰云爨今之竈者周禮儀禮皆言爨論語王孫賈云寧媚於竈禮記祭法天子七祀之中亦言竈若然

自孔子已後皆言竈 **祭祀共大羹鉶羹賓客亦如之** 故鄭云爨今之竈

**大羹肉湑**鄭司農云大羹不致五味也鉶羹加鹽


菜矣 ○羹音庚又音衡 **祀共大羹者**大羹肉湑盛

於登謂大者之羹不調以鹽菜及五味調鑊中煮肉

汁一名湑故鄭云大羹肉湑云鉶羹者皆是陪鼎臠

臠臠牛用藿羊用苦豕用薇調以五味盛之於鉶器

即謂之鉶羹若盛之於豆即謂之庶羞即公食大夫



十六豆臠臠臠等也云賓客亦如之者謂若致饗餼及殮禮皆有陪鼎則鉶羹也饗食亦應有大羹故云賓客亦如之

**甸師掌帥其屬而耕耨王藉以時入之以共齋盛**

屬府史胥徒也耨芸芋也王以孟春躬耕帝藉天子

三推三公五推卿諸侯九推庶人終於千畝庶人謂

徒三百人藉之言借也王一耕之而使庶人芸芋終


之齋盛祭祀所用穀也粢稷也穀者稷為長是以名

云在器曰盛 ○耨乃豆反齋音資芸音云徐音運本

回 **甸師至齋盛**○釋曰言掌帥其屬者謂除府史反 **有胥三十人**徒三百人而耕種耘耨於王之藉

田言以時入之者謂麥則夏孰禾黍秋孰則十月穫之送入地官神倉故云以時入之云以其盛者六穀曰稌在器曰盛以其祭祀故云以其盛盛○**釋**其屬至曰盛○**釋**曰云其屬府史胥徒也者敘官知之云耨芸芋也者詩云或芸或芋芸耨芋耨本是也云王以孟春至諸侯九推並是月令文言躬耕帝藉者天子親耕三推是也言帝藉者藉田之穀衆神皆用獨言帝藉者舉尊言之云天子三推者三推而一發云三公五推者五推而三發卿諸侯九推者九推而五發故周語云王耕一發班三之云庶人終於千畝亦周語文天子藉田千畝在南郊自天子三推已下示有恭敬鬼神之法又示帥先天下故暫時耕終之者庶人也鄭解周語庶人者謂此序官徒三百人也云稌稷也者爾雅文云穀者稷為長是以名云者此釋經及爾雅特以稌為號知稷為五穀長者案月令中央土云食稷與牛五行土為尊故知稷為五穀長及爾雅以稷為稌通而言之六穀皆是

**祭祀共蕭茅**  
 稌故小宗伯云辨六稌之名物是也



**釋**鄭大夫云蕭字或為茵茵讀為縮束茅立之祭前

沃酒其上酒滲下去若神飲之故謂之縮縮浚也故

齊桓公責楚不貢苞茅王祭不共無以縮酒杜子春

讀為蕭蕭香蒿也玄謂詩所云取蕭祭脂郊特牲云

蕭合黍稷臭陽達於牆屋故既薦然後燂蕭合馨香

合馨香者是蕭之謂也茅以共祭之苴亦以縮酒苴

以藉祭縮酒沛酒也醴齊縮酌


○茵所六反滲所鳩反浚荀閏反劉思順

反燂如悅反苴音租又子餘反

**釋**祭祀共蕭茅○**釋**曰此祭祀共蕭茅

者蕭謂香蒿據祭祀宗廟時有之若共茅外內之神俱用故云祭祀共蕭茅也○**釋**鄭大夫至縮酌○**釋**

曰鄭大夫云蕭字或為蕭蕭讀為縮鄭大夫必讀為縮者欲以蕭茅共為一事解之云東茅立之祭前者此鄭大夫之意取土虞禮束茅立几東所以藉祭此義蕭茅共為一則不可若束茅立之祭前義得通又引齊桓公責楚謂左氏僖公四年傳辭彼齊桓使管仲責楚云爾貢苞茅不入王祭不共無以縮酒寡人是徵楚伏其罪云敢不共給是也杜子春讀為蕭於義為是故後鄭從之云玄謂詩所云取蕭祭脂見用蕭之時有脂又引郊特牲者欲見非直有脂亦有黍稷云臭陽達於牆屋者謂饋獻之後陰厭之節取蕭與脂及黍稷炳燒之取香氣上聞故云既薦然後炳蕭合馨香云茅以共祭之苴者則士虞禮束茅長五寸立於几東謂之苴者是也云亦以縮酒者左氏管仲辭是也云苴以藉祭者亦指士虞禮也云縮酒涉酒也者鄭君解義語云醴齊縮酌者司尊彝職文此官共茅司巫云祭祀共菹館茅以為菹兩官共共者謂此甸師共茅與司巫司巫為苴以共之此據祭宗廟也鄉師又云大祭祀共茅菹者謂據祭天時亦謂



甸師氏送茅與鄉師為苴以共之若然甸師氏直共茅而已不供苴耳 **共野果蓏之薦**

**甸** 甸在遠郊之外郊外曰野果桃李之屬蓏瓜瓞之屬

○蓏力果反 **甸** 甸在至之屬。釋曰鄭言甸在遠郊之外者案載師公邑之田任

甸地在二百里中司馬職百里為遠郊今言甸在遠郊外則是二百里中云郊外曰野者釋經野野在郊

外云果桃李之屬蓏瓜瓞之屬者案食貨志臣瓚以為在樹曰果在地曰蓏不辨有核無核張晏以有核

曰果無核曰蓏今鄭云果桃李之屬即是有核者也蓏瓜瓞之屬即是無核者也此從張晏之義 **喪**


**事代王受青栽** 案盛者祭祀之主也今國遭大喪

若云此黍稷不馨使鬼神不逞于王既殯大祝作禱

辭授甸人使以禱藉田之神受青栽弭後殃 **景反**



喪事至肯哉。釋曰言喪事者謂王喪既殯後甸師氏於大祝取禱辭禱藉田之神肯過也。代王受過災云若云黍稷不香使鬼神不逞故令王死斂喪事代王受災此禱事於死王無益欲止後殃故為此禱也。○**釋**案盛至後殃。釋曰言案盛者祭祀之主也者以其遭主喪遣甸師氏禱意甸師種案盛祭祀之具以黍稷為主故云今國遭大喪若云此黍稷不馨逞快也使鬼神不快於王令使王死云既殯大祝作禱辭授甸人者知大祝作禱辭在既殯後者見大祝職云授甸人禱辭在大斂後大斂則殯故知在既殯後。○**釋**鄭司農云王同姓有罪當刑者斷其獄於甸師之官也。文王世子曰公族有死罪則磬於甸人又曰公族無宮刑獄成致刑于甸人又曰公族無宮刑不踐其類也刑于隱者不與



國人慮兄弟。○**斷**丁亂。○**疏**王之至刑焉。○**釋**曰周禮姓姬者有臯者謂凡五刑則刑殺不於市朝於此死刑焉謂死及肉刑在甸師氏必在甸師氏者甸師氏在疆場多有屋舍以為隱處故就而刑焉案掌囚云凡有爵者與王之同族奉而適甸師氏以待刑殺此中不云其凡有爵者文不具。○**釋**鄭司至兄弟。○**釋**曰云王同姓有罪當刑者斷其獄於甸師之官者此斷獄自是秋官罪定斷訖始適甸師氏而刑殺之若然斷獄不在甸師後鄭不破之者案掌囚云凡有爵者與王之同族奉而適甸師氏以待刑殺此經亦云死刑焉甸師氏不斷獄顯然不破之者見司農引文王世子為證於義是故不復於中破之文王世子已下云公族有死罪則磬於甸人者鄭彼註云懸縊殺之曰磬云又曰公族無宮刑獄成致刑於甸人又曰公族無宮刑不踐其類也者覆解上公族無宮刑之義云刑于隱者不與國人慮兄弟者若刑兄弟於市朝則是與國人慮兄弟令於隱處者則是不使國人

慮兄弟彼是諸侯法引之以證王帥其徒以薪蒸役

外內饗之事釋曰其徒三百人耕耨藉田千畝其事至

至之事釋曰其徒三百人耕耨藉田千畝其事至

開故兼為外內饗所役使其共其薪蒸木大曰薪

獸人掌罟田獸辨其名物罟罔也以罔搏所當田之


獸罟音古搏音搏劉音付後同獸者罟罔也謂以罔搏取當田

之獸云辨其名物者野獸皆有各號物色案夏官四

時田獵春用火夏用車秋用羅冬用徒四時各有其

兼有罔取當田之獸冬獻狼夏獻麋春秋獻獸

狼膏聚麋膏散聚則溫散則涼以救時之苦也獸物



凡獸皆可獻也及狐狸冬獻至獸物。釋曰云冬

狼膏聚聚則溫故冬獻之云夏獻麋者麋是澤獸澤

主銷散故麋膏散散則涼故夏獻之云春秋獻獸物

者春秋寒溫適故獸物皆獻之狼膏至狐狸。釋曰

大寒故獻狼案內則取稻米為狼膾膏以為餼狼之


所用惟據取膏為餼食若麋之所用則多矣云及狐

狸者案內則狐去首狸去正脊二時田則守罟備

獸觸攫攫俱縛反又俱碧及弊田令禽注于虞中

弊秋羅弊冬徒弊虞中謂虞人釐所田之野及弊田

植虞旗於其中致禽而珥焉獸人主令田眾得禽者  
 置虞人所立虞旗之中當以給四時社廟之祭故曰  
 春獻禽以祭社夏獻禽以享禴秋獻禽以祀飭冬獻  
 禽以享烝又曰大獸公之小禽私之公之謂輸之於  
 虞中珥焉者取左耳以致功若斬首折馘故春秋傳  
 曰以數軍實○弊如字徐蒲計反注之樹反什普卜  
 反一音芳豆反又音赴釐音來本亦作  
 萊植直吏反又時力反徐音裁珥徐如志反亨許丈  
 反劉音向後皆放此禴由若反飭音方析之舌反馘  
 古獲反數色○也謂田什令禽注於虞中者田止虞  
 主反一音所也也謂田什令禽注於虞中者田止虞  
 人致旌旗於田處之中央注猶聚也獸人則令所田  
 之眾大獸公之小禽私之者輸之聚於旌旗之所故



言注於虞中。○註弊什至軍實。釋曰鄭司農云弊  
 田謂春火弊夏車弊秋羅弊冬徒弊並大司馬職文  
 引之者證弊田為田止之一云虞中謂虞人釐所田  
 之野已下地官山虞職文言虞人萊所田之野者謂  
 於教戰之所芟治草萊云及弊田植虞旗於其中者  
 熊虎為旗山多虎故用熊虎及弊田田止虞人植虞  
 旗於中引之者證經虞中之事云致禽而珥焉者謂  
 田眾大獸公之者各割取左耳以擬効功云春獻禽  
 以祭社至小禽私之亦司馬職文言春獻禽以祭社  
 者鄭彼註春上方施生云夏獻禽以享禴者夏陰氣  
 始起鄭云象神之在內云秋獻禽以祀飭者鄭註飭  
 當為方記祭四方之神云冬獻禽以享烝者冬陽氣  
 始起亦象神之在內此祭並非四時常祭以田一得  
 禽牲因享祭之耳云大獸公之者謂已孕曰獸輸之  
 於公小禽私之者未孕曰禽謂田眾得之以自入云  
 若斬首折馘者田獵象戰伐田獵之時取禽左耳以  
 効功若征伐之時於陳斬首折取左耳謂之馘亦以  
 擬効功故云若斬首折馘又引春秋傳曰者案襄二

十四年楚遠啓疆如齊聘齊侯祭社蒐軍實使客觀之註云蒐數軍實兵甲器械與隱公傳三二而治兵數軍實一也引之者證斬首折馘為軍實若然註傳兵甲器械與斬首折馘不同者兵甲器械自為軍實至於斬首折馘亦是軍實仍於生執囚俘亦為軍實是以僖公三十二年晉捨秦囚先軫曰墮軍實是也

**凡祭祀喪紀賓客其其死獸生獸**其其完者凡獸

**入于腊人**當乾之**凡祭至腊人**釋曰凡此所共者於庖人云凡其死生蠹

全者下經云凡獸入於腊人是不完者故知此是

**皮毛筋角入于玉府**給作器物音斤**玉府**者

釋曰獸人所得禽獸其中皮毛筋角擇取堪作器物者送入於玉府擬給百工飾作器物**凡田獸**

**者掌其政令**凡田至政令釋曰謂田獵取獸禽者所有政令獸人掌之以其知田獵

之法

**廡人掌以時廡為梁**月令季冬命漁師為梁鄭司農

云梁水偃也偃水為關空以筍承其空詩曰敝筍在

梁一返反空戚音孔下同廡人至為梁釋曰言

三時取魚皆為梁以時取之故云以時魚為梁月令至在梁釋曰案月令季冬云命漁師始魚天

子親往此註云季冬命漁師為梁文句不同者鄭以此經有梁字故於月令以義取之非是月令正文鄭

司農梁水偃也偃水為關空以筍承其空者謂偃水兩畔中央通水為關孔筍者葦薄以薄承其關孔魚

過者以薄承取之故詩云敝筍在梁彼齊詩云弊敗之筍在於魚梁其魚唯唯過者無制彼喻文姜與襄

公淫通來往不制又魚麗詩云魚麗于罾鱮注云罾曲梁寡婦之筍筍即曲薄也引之者證梁以筍為

之春獻王鮪王鮪鮪之大者月令季春薦鮪于寢

廟鮪位春獻王鮪釋曰謂季春三月春鮪新

寢故鄭註引月令云薦鮪於寢廟取魚之法歲有五

索月令孟春云獺祭魚此時得取矣一也季春云薦

鮪於寢廟即此所引者二也又案鼈人云秋獻龜魚

三也王制云獺祭魚然後虞人入澤梁與孝經緯援

神契云陰用事木葉落獺祭魚同時是十月取魚四

也獺則春冬二時祭魚也案潛詩云季冬薦魚與月

令季冬漁人始魚同五也是一歲三時五取魚唯夏

不取案魯語云宣公夏濫於泗淵以其非時里華諫

之乃辨魚物為鱸薨以其王膳羞鮮生也薨乾也

止辨魚至膳羞釋曰此所凡祭祀賓

槁苦老反共者共於膳夫以共王辨魚至膳羞

客喪紀其其魚之鱸薨凡獻者掌其政令凡獻征入

于玉府鄭司農云漁征漁者之租稅漁人主收之

入于玉府凡祭至玉府釋曰云凡祭祀賓客喪

養以其膳夫即不掌祭祀之事云凡獻者掌其政令

者凡取魚者所有政令皆漁人掌之以其知取之時

節及處所云凡漁征入于玉府者言漁征者謂近川

澤之民於十月獺祭魚之時其民亦得取魚水族之

類其中鬚骨之事堪飾器物者所有征稅

鼈人掌取互物鄭司農云互物謂有甲甫胡龜鼈之

屬互戶故反于云鄭司至之屬釋曰此文

對也甫莫干反與下為目所取之物者即下

經所云以時簞魚鼈龜蜃凡狸物蜃大蛤鄭司農

是也云簞謂以杖刺泥中搏取之狸物龜鼈之屬自狸藏

伏於泥中者玄謂狸物亦謂鱣刀含漿之屬○籀戚

劉倉伯反徐倉格反沈槍昔反籀莊子云冬則獨鼈於江獨音义角反義與此同今從彼讀蜃上軫反于

云鱣類狸莫皆反叔音义 **春獻鼈蜃秋獻龜魚** 此其出在淺處

可得之時魚亦謂自狸藏 以時至龜魚○釋曰言

蜃共然籀魚鼈據所取下經據所獻其時一也 ○

蜃大至之屬 ○釋曰蜃大蛤者即月令云雉入大水

化爲蜃者是也對雀入大水化爲蛤爲小蛤鄭司農

云籀謂以叔刺泥中搏取之者可農意以籀爲刺此

經魚鼈龜蜃皆在泥水中故須以叔刺取之狸物龜


鼈之屬者案經龜鼈自顯別言狸物司農狸物中更

言龜鼈者但經或所言狸物者總龜鼈之等故司農

重以龜鼈爲狸物玄謂狸物亦謂鱣刀含漿之屬者

案爾雅刀魚鱣刀也俸舍漿觀此鄭意鱣刀爲一物

俸爲含漿亦一物孫氏註爾雅刀魚與鱣別非鄭意



○此其至狸藏 ○釋曰鄭云魚亦謂自狸藏者若不自狸藏則在上漁人取之矣故知此魚與龜鼈是

自狸藏 **祭祀共贏羸蜺以授醢人** 羸蜺蜺鄭司農

云羸蛤也杜子春云羸蜺也蜺蜺子國語曰蟲舍蜺

蜺 ○羸薄佳反徐又父幸反羸郎戈反蜺直其反徐

長梨反蚺蚺子蚺音夷又音移蜺音由又音榆蜺

字又作蚌蒲項反又蒲杏反蜺宜綺 ○祭祀至醢人

反舍音捨蜺悅全反字林允絹反 ○釋曰案醢

人有羸醢羸蜺醢故以此三者授醢人 ○羸蜺至

蜺蜺 ○釋曰羸蜺蜺者一物兩名司農云羸蜺蛤也者

**籀事**

杜子春云羸蜺也者蜺即蛤亦一物云蜺蜺子者謂

蟻之子取白者以爲醢國語曰蟲舍蜺蜺者此亦是

國語諫宣公之言謂夏蟲內捨去蜺蜺 **掌凡邦之**

此經蜺也蜺謂蝗也與蜺別連引之也

籀事

腊人掌乾肉凡田獸之脯腊臠胖之事

**註**大物解肆乾

之謂之乾肉若今涼州烏翅矣薄析曰脯捶之而施

薑桂曰鍛脩腊小物全乾

**○**肆勑力反

**○**腊人至之事

云掌乾肉以下文者竝是獸人所法獸人云凡獸入於腊人

**○**大物至全乾。釋曰云若今涼州烏翅者解肉乾之狀也云小物全乾者案特牲云陳鼎于

門外椌在其南順實獸于上又云宗人舉獸尾告備是其全者士用免是其小物全乾少牢用麋不云


舉獸尾則未全若然則天子諸侯之所用雖無文其獸必大亦不必全云云全者據有全者耳趙商問腊人掌凡乾肉而有臠胖何鄭答雖鮮亦屬腊人

祭祀共豆脯薦脯臠胖凡腊物

**註**

脯非豆實豆當為

羞聲之誤也鄭司農云臠胖肉鄭大夫云胖讀為判



杜子春讀胖為版又云臠胖皆謂夾脊肉又云禮家

以胖為半體玄謂公食大夫禮曰庶羞皆有大者此

據肉之所擬祭者也又引有司曰主人亦一魚加臠

祭于其上此據主人擬祭者臠與大亦一也內則曰

麋鹿田豕麇皆有胖足相參正也大者裁之大臠臠

者魚之反覆臠又詁曰大二者同矣則是臠亦臠肉

大臠胖宜為脯而腥胖之言片也析肉意也禮固有


腥臠爛雖其有為孰之皆先制乃亨

**○**豆音羞胖普半反杜音版夾

咸古洽反劉古協反食音嗣麇京倫反覆芳服反臠而甚反爛徐廉反亨普庚反

**疏**脯非至乃亨

○釋曰知脯非豆實者案遠人職有栗脯則脯是籩實故云脯非豆實也知豆當為羞者案遠人職云凡祭祀共其籩薦羞之實鄭云未飲未食曰薦已飲已食曰羞羞薦相對下既言薦脯明上當言羞脯也鄭司農云膾膾肉鄭大夫胖讀為判杜子春讀胖為版又云膾胖皆謂夾脊肉又云禮家以胖為半體者文無所出皆非也玄謂公食大夫禮曰庶羞皆有此據肉之所擬祭者也又引有司曰主人亦一魚加膾祭於其上者此據主人擬祭者也膾與大亦一也內則曰麋鹿田豕麇皆有胖足相參正者引有司并公食大夫二處證膾是大鬻引內則明胖與膾不同故云足相參正云大者截之大鬻者玄解公食大夫云膾者魚之反覆者反覆謂魚生時在腹下今加之於上云膾又詁曰大者據爾雅釋詁文云二者同矣者大共膾同是一則膾是腍肉大鬻同將祭先也云胖宜為脯而腥謂肉薄不煮者云胖之言片析肉意者此解胖是薄義云禮固有腥膾爛雖其有為孰之者祭祀之禮肫解而腥之又體解而爛之又為薦



孰之禮禮經固有此三者皆當先制為賓客喪紀其胖言此者證胖與膾不同破諸家之意賓客至之事○釋曰此其脯腊凡乾肉之事



賓客至之事○釋曰此所共者其內外饗也



月... 禮... 游...

其翮韻凡掉肉之事

翮其音共肉以養也  
實客至之事。釋曰此

刑言此皆筮報與無不同如箭家之意  
釋之斷斷斷固亦此二皆皆當共備為實客至之事

周禮註疏卷第五

漢鄭氏註

唐賈公彥疏

天官冢宰下

陸曰本亦作天官冢宰下

醫師掌醫之政令聚毒藥以共醫事


毒藥藥之辛苦

者藥之物恒多毒孟子曰若藥不與眩厥疾不瘳

眠見反徐亡干反眩玄見反徐音玄劉音虎縣反不瘳勅留反醫師至醫事。釋

長故掌醫之政令言聚毒藥以共醫事者謂所有藥物並皆聚之以供疾醫瘍醫等故言以供醫事。

毒藥至不瘳。釋曰言毒藥藥之辛苦者細辛苦參雖辛苦而無毒但有毒者多辛苦故云毒藥藥之辛



司豐...

卷之五

及古...